

საქართველოს სპორტისა და ახალგაზრდობის საქმეთა სამინისტრო
საჯარო სამართლის იურიდიური პირი საქართველოს ოლიმპიური
რეზერვების მზადების ეროვნული ცენტრი



“ტერიტორიის და შენობა–ნაგებობების” დაცვის მომსახურების
სახელმწიფო შესყიდვის შესახებ გამარტივებული ელექტრონული
ტენდერის

სატენდერო დოკუმენტაცია

ქ.თბილისი 2011 წელი

სარჩევი

1. ინსტრუქცია ტენდერთა მონაწილეთათვის
2. ტექნიკური დოკუმენტაცია
3. გასაწევი მომსახურების ტექნიკური დავალება -----
4. დამატებითი ინფორმაცია
5. დანართი №1, აფიდავიტი -----
6. დანართი №2, პრეტენდენტის რეკვიზიტები -----
7. დანართი №3, ხელშ.შესრულების საბანკო გარანტიის ფორმა -----
8. დანართი №4 ფასების ცხრილი
9. სახელმწიფო შესყიდვების შესახებ ხელშეკრულების პროექტი

1. ინსტრუქცია ტენდერში მონაწილეთათვის

- 1.1 სახელმწიფო შესყიდვების ერთიან ელექტრონულ სისტემაში (შემდგომში- სისტემა) შესყიდვის პროცედურები ხორციელდება საქართველოს კანონის “სახელმწიფო შესყიდვების შესახებ”, “სახელმწიფო შესყიდვების განხორციელების წესის შესახებ” დებულების და “სახელმწიფო შესყიდვის ელექტრონული საშუალებით განხორციელების შესახებ დროებითი წესის” შესაბამისად
- 1.2 სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხართ გაეცნოთ აფიდავიტს და დაეთანხმოთ მას (გაცნობას და თანხმობას ადასტურებთ სისტემის მეშვეობით). აფიდავიტის საილუსტრაციო ფორმა იხილეთ დანართი №1.
- 1.3 ამის შემდეგ მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.
- 1.4 სატენდერო წინადადების უზრუნველყოფის ელექტრონული გარანტია უნდა იყოს წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.
- 1.5 ელექტრონული გარანტიის წარდგენისა და საფასურის გადახდის სისტემაში არსებული ავტომატური გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთვამდე სახელმწიფო შესყიდვების განხორციელებული წესის შესახებ დებულებით გათვალისწინებული პროცედურების გათვალისწინებით. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და, შესაბამისად ტენდერში მონაწილეობის შესაძლებლობა
- 1.6 მას შემდეგ, რაც ზემო აღნიშნულ ქმედებებს განახორციელებს, თქვენ უფლება გაქვთ სისტემის მეშვეობით წარადგინოთ სატენდერო წინადადება.
- 1.7 სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისაგან.
- 1.8 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტაციისა.

- 1.9 ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.
- 1.10 სატენდერო წინადადების ფასის მითითების თანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით სამ რაუნდად.
- 1.11 ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.
- 1.12 ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ეელში.
- 1.13 დამატებითი რაუნდების თვითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება 2 წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.
- 1.14 დამატებით რაუნდებში მონაწილეობის უფლება აქვს მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილ წესით. პირველ რაუნდში პრეტენდენტის მიერ წინადადების წარდგენის რიგითობა განისაზღვრება ძირითად დროში წარდგენილ წინადადების ფასის მიხედვით, კერძოდ პირველ რაუნდში ბოლი შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა ხოლო ყოველ მომდევნო რაუნდში კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების შემთხვევაში, რაუნდში ბოლო შეთავაზებას აკეთებს ის პრეტენდენტი რომელმაც პირველმა დააფიქსირა ასეთი ფასი.
- 1.15 მას შემდეგ, რაც დასრულდება დამატებითი რაუნდები, სისტემ პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.
- 1.16 იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავრომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.
- 1.17 თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არა უმეტეს 3 დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება,

რომელიც გამოიწვევს სატენდერო წინადადების არსებით ცვლილებას და მოახდენს გაველენას წინადადების ფასზე.

1.18 თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

1.19 იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არა უგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

1.20 პრეტენდენტის დისკვალიფიკაცია ხდება შემდეგ შემთხვევაში:

- ა) პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების წარმოუდგენლობის ან/ და ხარვეზის მქონე მონაცემების წარმოდგენისას.
- ბ) თუ პრეტენდენტი უარს განაცხადებს მის მიერ წარმოდგენილ სატენდერო წინადადებაზე.
- გ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს
- დ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გათვალისწინებულ ვადაში.
- ე) პრეტენდენტის მიერ არაკეთილსინდისიერი ქმედების განხორციელებისას

1.21 ამ პუნქტის 1.20 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.22 ელექტრონული ტენდერის შეწყვეტა

- ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატებათ დისკვალიფიცირებული

პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებამდე ნებისმიერ დროს შეწყვიტოს შესყიდვის ნებისმიერ დროს, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე

გ) შესყიდვის შეწყვეტის შემთხვევაში შემსყიდველი ორგანიზაცია ვალდებული არ არის პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

1.23 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.24 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტების მინიჭების საკითხს წყვეტს სატენდერო კომისია.

1.25 სახელმწიფო შესყიდვების ერთიან ელექტრონულ სისტემაში (შემდგომში სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლება მოსილი პირის მიერ.

1.26 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.27 პრეტენდენტს არ აქვს უფლება წარმოადგინოს ალტერნატიული წინადადება.

2. ტექნიური დოკუმენტაცია

2.1 საკვალიფიკაციო მოთხოვნები

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1.1 იურიდიული პირებისათვის:

- ა) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;
- ბ) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯაროსამართლებრივი შეზღუდვის (ყადაღის) არ არსებობის შესახებ.
- გ) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;
- დ) ცნობა შემოსავლების სამსახურიდან ბიუჯეტის წინაშე დავალიანების არქონის შესახებ

2.1.2 ფიზიკური პირებისათვის:

- ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;
- ბ) ცნობა შესაბამისად უფლებამოსილი სამედიცინო დაწესებულებიდან, მისი ქმედუნარიანობის შესახებ
- დ) ცნობა შესაბამისი უფლებამოსილი ორგანოდან ნასამართლეობის შესახებ
- ე) პირადობის დამადასტურებელი მოწმობის ასლი
- ვ) ცნობა შემოსავლების სამსახურიდან ბიუჯეტის წინაშე დავალიანების არქონის შესახებ

2.1.3 როგორც იურიდიული ასევე ფიზიკური პირებისათვის:

- ა) პრეტენდენტმა უნდა წარმოადგინოს რეკვიზიტები დანართი №2 –ის მიხედვით.
- ბ) ინფორმაცია უკანასკნელ წლებში ანალოგიური მომსახურეობის გამოცდილების შესახებ
- გ) ხელმოწერილი ინფორმაცია სატენდერო წინადადების მოქმედების ვადის შესახებ, რომელიც უნდა მოქმედებდეს მისი სისტემაში ატვირთვის დღიდან არანაკლებ 30 კალენდარული დღის განმავლობაში.
- დ) სატენდერო წინადადების ფასის წარმოდგენა შესაძლებელია მხოლოდ სისტემის მეშვეობით სატენდერო წინადადების წარმოდგენამდე, აფიდავიტის (დანართი №1).

პირობებზე დათანხმების, ელექტრონული გარანტიის წარდგენისა და საფასურის გადახდის შემდეგ

ე) ფასების ცხრილი, მომსახურების გაწევის ვადები დანართი №4-ის მიხედვით

2.2 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების გაცემის თარიღი უნდა შეესაბამებოდეს “სახელმწიფო შესყიდვის ელექტრონული საშუალებით განხორციელების შესახებ დროებითი წესის” მე-10 მუხლის მე-7 პუნქტის მოთხოვნებს

2.3 ამ პუნქტის 2.1.1 და 2.1.2 ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილ უნდა იქნეს შემსყიდველ ორგანიზაციაში მოთხოვნიდან არა უმეტეს 3 (სამი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლება მოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.4 პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციებში ხორციელდება სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოუდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

2.5 პრეტენდენტის მიერ წარმოდგენილი ამ პუნქტის 2.1.3 ქვეპუნქტით გათვალისწინებული საკვალიფიკაციო მონაცემები ელექტრონულ სისტემაში უნდა აიტვირთოს ტექნიკურ დოკუმენტაციასთან ერთად.

2.6 ანგარიშწორების პირობები:

2.6.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.6.2 ანგარიშსწორება მოხდება უნაღლო ანგარიშსწორებით ლარში.

2.6.3 ანგარიშსწორება მოხდება ყოველი თვის ბოლოს მიღება - ჩაბარების აქტის გაფორმებიდან 10 კალენდარული დღის განმავლობაში.

2.6.4 საავანსო ანგარიშსწორება არ გამოიყენება.

2.6.5 ტენდერში გამოყენებული იქნება სატენდერო წინადადების უზრუნველყოფის საბანკო გარანტია, რომელიც უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით, ტენდერში მონაწილეობის საფასური შეადგენს 50 ლარს.

2.6.6 პრეტენდეტმა უნდა წარმოადგინოს ხელშეკრულების უზრუნველყოფის საბანკო გარანტია სახელშეკრულებო ღირებულების 3%-ის ოდენობით დანართი №3-ის მიხედვით, ხელშეკრულების უზრუნველყოფის საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულებით გათვალისწინებული ობიექტის მიწოდების ვადას.

2.6.7 ალტერნატიული წინადადება არ დაიშვება

2.6.8 მომსახურების გაწევის ვადები განისაზღვრება ხელშეკრულების გაფორმებიდან და ძალაში შესვლიდან 20011 წლის 31 დეკემბრის ჩათვლით.

3. გასაწევი მომსახურების ტექნიკური დავალება

დაცვის ობიექტს წარმოადგენს ქვემოთ ჩამოთვლილი სსიპ - საქართველოს ოლიმპიური რეზერვების მზადების ეროვნული ცენტრის “ტერიტორიის და შენობა-ნაგებობების” 24 საათიანი დაცვა:

1. ადმინისტრაციული კორპუსის პირველი სართული
2. საცხოვრებელი კორპუსი (№1)
3. საყარაულო ჯიხური (№2)
4. კვების ბლოკი სარდაფით (№3,№4,№5)
5. სპორტული დარბაზი (№6,№7,№8)
6. საცურაო აუზი (№10,№11)
7. ფეხბურთის მინი მოედანი
8. სატრანსფორმატორო ჯიხური (№12,№15)
9. საქვაბე (№13)
10. კრივის დარბაზი (№14)
11. ტერიტორია
12. დობე

მიმწოდებელმა უნდა უზრუნველყოს ტერიტორიაზე და აღნიშნულ შენობებში 24 საათიანი მორიგეობის რეჟიმის განხორციელება, შენობებში არსებული ქონების დაცვა და უცხო პირების შესვლაზე კონტროლის დაწესება.

4. დამატებითი ინფორმაცია:

4.1 სატენდერო დოკუმენტაციასთან დაკავშირებული განმარტების მიღება პრეტენდენტს შეუძლია სატენდერო კომისიაში, ზეპირი ან/და წერილობითი მიმართვის შემთხვევაში.

მისამართზე: ქ.თბილისი თიანეთის გზატკეცილი №25. საკონტაქტო პირი სატენდერო კომისიის აპარატის წევრი - მადონა ბარნაბიშვილი ტელ. 899 21-63-73; 822 67 79 30 ელ.ფოსტა olympiccentre@yahoo.com

აფიდავები

სატენდერო წინადადების დამოუკიდებელი განმამდგენის თაობაზე

გამოყენებულ ტენდერში მონაწილეობის მიღების მიზნით, ვადასტურებ, რომ ჩემი მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად, ანუ ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდება, რომ აფიდავტმა მოყვანილი ინფორმაცია არის ცალბედი ან/და ცრუ;

* უფლებამოსილი ვარ პრეტენდენტის მიერ, ხელი მოეწერა ამ აფიდავტს და წარედგინა ეს სატენდერო წინადადება;

* ნებისმიერ პირს, რომლის ხელმოწერაც დაფიქსირებულია სატენდერო წინადადებაზე, შეაბამებად უფლებამოსილია პრეტენდენტის მიერ;

* ჩემთვის ცნობილია, რომ ტერმინი "კონკურენტი" აფიდავტის მიზნებიდან გამომდინარე, ვულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამოჩენის ან უბირატესობის მიღების მიზნით პრეტენდენტსა და კონკურენტს შორის არ წარმოდგენილია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განმარტება წარდგენა, რომელიც არ აკმაყოფილებს გამოყენებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიზნების დეტალები, რომელთაც უნდა სატენდერო წინადადება;

* სატენდერო წინადადების პირობები პრეტენდენტს წამასწარი განმარტებით, პირდაპირ ან არაპირდაპირ, არ გაუშვლიან ან/და არ გაუმუშავებენ კონკურენტს სატენდერო წინადადების განმარტების მომენტამდე.

გავეყენე ამ აფიდავტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავტი წარმოადგენს სატენდერო წინადადების დამოუკიდებელად განმამდგენის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი ნუსხით პასუხს აცხადებს აღნიშნული ინფორმაციისა და გარემოებების უტყუარობაზე. აფიდავტით განმამდგენი პირობების დარღვევა იწვევს სახელის-სამართლებრივ პასუხისმგებლობის საქართველოს სახელის სამართლის კოდექსის 195¹ მუხლის შეზამიანად.

6. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი

საიდენტიფიკაციო კოდი

პრეტენდენტის ტელეფონის ნომერი

ელექტრონული მისამართი

ბანკის კოდი

ანგარიშის ანგარიში

ანგარიშის ნომერი

პრეტენდენტი -----

**7. ხელშეკრულების შესრულების საგარანტიო უზრუნველყოფა
(საბანკო გარანტია)**

ვის: -----

(შემსყიდველის დასახელება)

მხედველობაში ვიღებთ რა, რომ -----

(მიმწოდებლის დასახელება)

შემდგომში “მიმწოდებელმა” ----- ტენდერში წარდგენილი თავისი

(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მმითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე

----- (თანხა ციფრებით)

(თანხა სიტყვებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია მიმწოდებლის მიერ ხელშეკრულების პირობების შესრულების საბოლოოდ დამთავრებამდე.

გარანტების ხელმოწერა და ბეჭედი

(თარიღი)

(მისამართი)

9. სახელმწიფო შესყიდვის შესახებ ხელშეკრულების პროექტი

ხელშეკრულება № -----

ქობილისი

----- 2011წ

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

1. ხელშეკრულების დამდები მხარეები

ერთის მხრივ ს.ს.ი.პ. – “საქართველოს ოლიმპიური რეზერვების მზადების ეროვნული ცენტრი” (შემდგომში „შემსყიდველი“) -----

მდებარე ქობილისი, თიანეთის გზატკეცილი 25

(შემსყიდველის დასახელება და რეკვიზიტები)

და მეორეს მხრივ ----- (შემდგომში „მიმწოდებელი“) შორის

მდებარე -----

(მიმწოდებლის დასახელება და რეკვიზიტები)

სახელმწიფო შესყიდვების კანონის და პრეტენდენტის (-----) სატენდერო წინადადების საფუძველზე ელექტრონული ტენდერის საფუძველზე დებენ წინამდებარე ხელშეკრულებას შემდეგზე

2. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

2.1 “ხელშეკრულება სახელმწიფო შესყიდვების შესახებ” (შემდგომ – “ხელშეკრულება”)- შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებული.

2.2 “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

2.3 “შემსყიდველი ორგანიზაცია” (შემდგომ “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას;

2.4 “მიმწოდებელი” ნიშნავს პირს, რომელმაც მოიპოვა გამარჯვება ტენდერში და აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;

2.5 “დღე”. “კვირა”, “თვე” ნიშნავს კალენდარულ დღეს, კვირას, თვეს;

3. ხელშეკრულების საგანი

3.1 ხელშეკრულების საგანს წარმოადგენს ს.ს.ი.პ. – საქართველოს ოლიმპიური რეზერვების მზადების ეროვნული ცენტრის ტერიტორიის, შენობა-ნაგებობების 24 საათიანი დაცვის მომსახურება.

3.2 ხელშეკრულებით გათვალისწინებული მომსახურების (ნუსხა) აღწერა მოცემულია გასაწევი მომსახურების ტექნიკურ დავალებაში

4. ხელშეკრულების ღირებულება

4.1. გასაწევი მომსახურების ღირებულება ჯამში შეადგენს ----- (-----) ლარს. საქართველოს კანონმდებლობით დადგენილი შესაბამისი გადასახადების მ.შ. დღგ-ს გათვალისწინებით

4.1. გასაწევი მომსახურების ღირებულება თვეში შეადგენს ----- (-----) ლარს.

4.2. მომსახურება გაწეული იქნება შემდეგ მისამართზე: ქობილისი თიანეთის გზატკეცილი №25

5. მხარეთა უფლება-მოვალეობანი

- 5.1. მიმწოდებელი ვალდებულია უზრუნველყოს ხელშეკრულებაში მითითებული ობიექტის დაცვა მართლსაწინააღმდეგო ხელყოფისაგან დღე-ღამეში 24 საათის განმავლობაში ხელშეკრულებით გათვალისწინებული ვალდებულებების შესაბამისად და დაცვის ორგანიზებისათვის გამოყოს ოთხი თანამშრომელი;
- 5.2. მიმწოდებელი ვალდებულია მის მიერ გამოყოფილი დაცვის თანამშრომელები უზრუნველყოს სათანადო რაოდენობის რადიოსადგურებით, ხელკეტებით, ფანრებითა და უნიფორმით (სეზონის მიხედვით), რომელთა შეძენას უზრუნველყოფს მიმწოდებელი;
- 5.3. მიმწოდებელი ვალდებულია უზრუნველყოს დასაცავად მიღებული შენობა-ნაგებობების, ინვენტარისა და ტერიტორიაზე არსებული მატერიალური ფასეულობების საიმედო დაცვა;
- 5.4. მიმწოდებელი ვალდებულია მკაცრად დაიცვას დასაცავ ობიექტებზე შემსყიდველის მიერ დადგენილი სასაშვო და შიდასაობიექტო რეჟიმი;
- 5.5. მიმწოდებელი შემსყიდველთან შეთანხმებით ახორციელებს გამაფრთხილებელ და პროფილაქტიკურ ღონისძიებებს, რათა არ დაუშვას ქონების ქურდობა-დატაცება;
- 5.6. მიმწოდებელი ვალდებულია სისტემატიურად აწარმოოს დასაცავ ობიექტებზე ხანძარსაწინააღმდეგო მეთვალეურობა;
- 5.7. მიმწოდებელი ვალდებულია დასაცავ ობიექტზე ხანძარის გაჩენის შემთხვევაში დაუყონებლივ აცნობოს ამის შესახებ სახანძრო ნაწილს, ობიექტის ხელმძღვანელს და მიიღოს ზომები ხანძრის ჩაქრობისათვის ადგილობრივი საშუალებებით, რომლის გამართულ მუშაობაზე პასუხისმგებელია შემსყიდველი;
- 5.8. მიმწოდებელი ვალდებულია ცენტრში სასწავლო-საწვრთნელი შეკრებების და შეჯიბრებების პერიოდის განმავლობაში უზრუნველყოს დაცვის შემადგენლობის გაორმაგება და გაძლიერებული დაცვა
- 5.9. მიმწოდებელი ვალდებულია განსაკუთრებულ შემთხვევაში საგუშაგოზე თავდასხმის დროს იმოქმედოს ობიექტების დაცვის ინსტრუქციის თანახმად;
- 5.8. მიმწოდებელი კისრულობს პასუხისმგებლობას მომსახურების დროს თავისი ბრალეული ქმედებების შედეგად შემსყიდველისათვის მიყენებული ზარალის ანაზრაურებისათვის საქართველოს კანონმდებლობით გათვალისწინებული წესით, თუ იგი გამოწვეულია დაცვის თანამშრომლებზე დაკისრებული მოვალეობების შეუსრულებლობით ან არაჯეროვანი შესრულებით ან დაცვის თანამშრომლების მხრიდან გაუფრთხილებელი ქმედებით;
- 5.10. შემსყიდველი ვალდებულია დაუყონებლივ მიაწოდოს მიწოდებლის ხელმძღვანელობას და ობიექტის დაცვის თანამშრომლებს ამომწურავი ინფორმაცია, რომელიც შეეხება ობიექტის უსაფრთხოებას ან/და ხელს შეუწყობს დაცვითი ღონისძიებების გატარებას;
- 5.11. შემსყიდველი ვალდებულია გაითვალისწინოს და შესაძლებლობის ფარგლებში შეასრულოს მიწოდებლის ხელმძღვანელობის და დაცვის თანამშრომლთა რეკომენდაციები, რომლებიც საჭიროა დაცვითი ღონისძიებების სათანადოდ გასატარებლად;

- 5.12. შემსყიდველი ვალდებულია აუნაზღაუროს მიწოდებელს გაწეული მომსახურების ღირებულება ამ ხელშეკრულებით განსაზღვრული წესით და ოდენობით;
- 5.13. შემსყიდველი ვალდებულია აუნაზღაუროს მიწოდებელს მისი თანამშრომლებისათვის მიყენებული ზიანი, თუ ეს ზიანი გამოწვეულია შემსყიდველის ბრალეული ან გაუფრთხილებელი ქმედებებით, საქართველოს კანონმდებლობით გათვალისწინებული წესით;
- 5.14. შემსყიდველი ვალდებულია დასაცავ ობიექტზე დაცვის თანამშრომლებს გამოუყოს ოთახი, რომელიც აღჭურვილი უნდა იყოს სატელეფონო კავშირით და ნორმალური სამუშაო პირობების შესაქმნელად საჭირო ინვენტარით;
- 5.15. შემსყიდველი ვალდებულია ობიექტზე გამართულ მდგომარეობაში იქონიოს ელექტროგაყვანილობა, ხანძარსაწინააღმდეგო საშუალებები და სატელეფონო კავშირი.

6. მომსახურების მიღება-ჩაბარების წესი

6.1. მომსახურება გაწეულად ჩაითვლება ყოველი თვის ბოლოს შესაბამისი “მიღება-ჩაბარების” აქტის არსებული წესით დამოწმების შემდეგ

7. ხელშეკრულების შესრულების კონტროლი

7.1. შემსყიდველი უფლებამოსილია შესყიდვის ობიექტის პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან.

7.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

7.3. შემოწმების შედეგად გამოვლენილი დეფექტის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით

7.4 ხელშეკრულებით განსაზღვრული პირობების კონტროლს განახორციელებს სსიპ-საქართველოს ოლიმპიური რეზერვების მზადების ეროვნული ცენტრის უფლებამოსილი პირები

8. ხელშეკრულების შესრულების გარანტია

8.1 იმისათვის, რომ თავიდან იქნეს აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, ტენდერში გამოიყენება გარანტირების მექანიზმის შემდეგი სახე-საბანკო გარანტია, ხელშეკრულების საერთო ღირებულების 3%-ის ოდენობით.

8.2 მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, მიმწოდებელს საბანკო გარანტიით გათვალისწინებული თანხა არ დაუბრუნდება).

8.3 საბანკო გარანტიის მოქმედების ვადა მინიმუმ 30 დღით უნდა აღემატებოდეს შესყიდვის ობიექტის მომსახურების საბოლოო ვადას.

8.4 მიმწოდებელს ხელშეკრულების შესრულების უზრუნველსაყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მხარეთა შორის შესყიდვის ობიექტის საბოლოო მიღება-ჩაბარების აქტის გაფორმებიდან 5 კალენდარული დღის ვადაში.

8.5 მიმწოდებლისგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

9. ანგარიშსწორება

9.1. ანგარიშსწორება მიმწოდებელთან განხორციელდება ლარებში.

9.2. ანგარიშსწორება გაწეულ მომსახურებაზე მოხდება ყოველი თვის ბოლოს შესაბამისი მიღება-ჩაბარების აქტის გაფორმებიდან 10 კალენდარულ დღეში.

9.3. ანგარიშსწორების განხორციელებისათვის მიმწოდებელმა უნდა წარმოადგინოს მიღება-ჩაბარების აქტი და შესაბამისი (-----) დოკუმენტი.

9.4. ანგარიშსწორების ფორმა იქნება უნაღდო. გადარიცხვა მოხდება მიმწოდებლის საბანკო ანგარიშზე.

10. ფასები

10.1. წინამდებარე ხელშეკრულების მე-4 პუნქტში დაფიქსირებული შესასყიდი მომსახურების ფასი წარმოადგენს ხელშეკრულების ღირებულებით პარამეტრს.

10.2. ხელშეკრულების ღირებულებითი პარამეტრის შეცვლა ხელშეკრულების მოქმედების მთელი პერიოდის განმავლობაში დასაშვებია საცალო ფასის გაზრდის ან შემცირების, ინფლაციის მაღალი დონის, სავალუტო კურსის მნიშვნელოვანი ცვლილების, საგადასახადო რეჟიმის შეცვლისა და საქართველოს სამოქალაქო კოდექსის 398-ე მუხლში გათვალისწინებული პირობების შემთხვევაში, თუ აღნიშნული ცვლილებები არ გამოიწვევს ხელშეკრულების პირობების გაუარესებას შემსყიდველი ორგანიზაციისათვის.

11. ხელშეკრულებაში ცვლილებების შეტანა

11.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. უფლებების გადაცემა

12.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

13. ფორს-მაჟორი

13.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

14. მხარეთა პასუხისმგებლობა ხელშეკრულების პირობების დარღვევისათვის

14.1. სახელმწიფო შესყიდვის შესახებ ხელშეკრულების მოქმედების პერიოდში მიმწოდებლის მხრიდან ხელშეკრულების 5.1. პუნქტით გათვალისწინებული ვადების დარღვევის შემთხვევაში მას დაეკისრება პირგასამტეხლო ყოველი ვადაგადაცილებული დღისათვის ხელშეკრულების ღირებულების 0,1%-ის ოდენობით.

14.2. ხელშეკრულებით ნაკისრი ვალდებულებების შეუსრულებლობის შემთხვევაში ყოველი ვადაგადაცილებული დღისათვის შემსყიდველს ეკისრება პირგასამტეხლო ხელშეკრულების ღირებულების 0,1%-ის ოდენობით.

14.3 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

15. ხელშეკრულების შეწყვეტა

15.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

15.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

15.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

15.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

15.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) შემსყიდველის მიერ იმ შემთხვევაში, როდესაც მიმწოდებელი არ უზრუნველყოფს თავისი მიზეზით ხელშეკრულებით გათვალისწინებულ სამუშაოთა დადგენილ ვადებში და ხარისხოვნად შესრულებას;

ბ) მიმწოდებლის მიერ იმ შემთხვევებში, როდესაც შემსყიდველი არ უზრუნველყოფს ხელშეკრულებით განსაზღვრულ პირობების შესრულებას.

15.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

15.7 ხელშეკრულების დამრღვევი ერთი მხარე ვალდებულია წერილობით შეატყობინოს მეორე მხარეს ხელშეკრულების დარღვევის მიზეზებზე, საკითხის გადაწყვეტობის შემთხვევაში ხელშეკრულების გაუქმება მოხდება 10 დღის ვადაში.

16. დავების გაწყვეტის წესი

16.1 ხელშეკრულების დამდები მხარეები თანხმდებიან მასზე, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

16.2 თუ შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

17. სხვა პირობები

17.1. წინამდებარე ხელშეკრულება ძალაშია მხარეთა მიერ ხელმოწერის დღიდან ----- და მოქმედებს 2011 წლის 31 დეკემბრის ჩათვლით.

17.2. ხელშეკრულება შედგენილია ქართულ ენაზე ორ ეგზემპლარად და აქვს თანაბარი იურიდიული ძალა.

17.3. იურიდიული მისამართის ან საბანკო რეკვიზიტების შეცვლის შემთხვევაში მხარეები ვალდებული არიან სამი დღის ვადაში აცნობონ ერთმანეთს ამის შესახებ.

ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება საქართველოს კანონმდებლობის შესაბამისად ამ დოკუმენტის თავში მითითებულ დღესა და წელს.

18. რეკვიზიტები